



Rimemba fo keaful lo watkain websait nao yu klik lo hem – no gud yu kam akrosim oketa piksa o muvi blo oketa neket pipol o samfala no gud kilkil.

## Wanem nao bae me duim if mi lukim samting tambu osem onlaen?

Yu bae mait aksident klik lo link ya en lukim na tambu/karange piksa wea bae mekem yu frait or seke. Or fren blo yu mait talem yu fo lukaotim nao tambu/karange piksa or oketa pat blo bodi. Or yu tingting tumas abautim nao body blo yu luk difren en rileisonsip blo yu difren.

Hem impoten fo save hao oketa tambu/karange samting onlaen bae save spoilem yu wetem fren blo yu. Oketa save:

1. givim yu oketa rong tingting abautim sex en spoelem nao abiliti fo mekem, oketa helti, rispektful rileisonsip.
2. som man en woman lo weis wea hem no tru en lidim rong na abaotim ril laef.
3. promotim kilkil/fait or kros go lo woman, hem no oraet.

If yu laekem infomeson wea hem tru en hem gud fo yu, den askem na big man or fren wea yu trastim. Searem karange/tambu samting or neket piksa blo oketa pikinini hem no gud. If yu lukim diswan, yu shud ripotim go lo pulis.

## Wanem nao bae mi duim if mi lukim kilkil/rabis samting onlaen?

Samfala pipol en grup searem na samting no gud tumas onlaen, osem fait/kilkil piksa, aksident en karakil. Iu bae mait lukim na piksa wea bae mekem yu seke tumas or mekem yu frait. Samfala taem bae hem no spoelem yu, bata lo yu en oketa narawan oketa piksa ya bae save mekem yu no fil gud.

## Tek akson en kontrolim wanem nao yu lukim

Rimemba dat hem oraet fo yu tingim wanem nao yu laek lukim en wanem nao yu no laek lukim onlaen. Yu save Kontrolim dis wan lo:

1. Visitim nomoa websait wea yu save en trastim.
2. Joinim nomoa onlaen grups wea oketa searem gudfala samting en seif piksa.
3. Ripotim piksa or samting wea hem mekem yu frait or spoilem yu. Infomeson fo ripotim piksa or muvi lo Facebook, visitim nao [Help Centre](#). Iu bae laek fo ridim tu [Facebook Community Standards](#) fo lanem wanem yu save duim en wanem yu no save duim lo hem.
4. Ripotim oketa no gud piksa wea hem brekem lo or karange samting lo pulis.
5. Tok lo big man en oketa narawan yu trastim na from sapot netwok fo samfala infomeson moa, advais or sapot.

